



**OPIS POSLOVA I ZADATAKA**

**TERMS OF REFERENCE (TOR)**

**EKSPERT/ICA ZA STRATEŠKO PLANIRANJE MREŽE NOVINARKI U BIH U OKVIRU PROJEKTA  
„JAČANJE MREŽE NOVINARKI U BIH“**

Jul, 2019. godine



**A. Pozicija: Ekspert/ica za strateško planiranje, sa iskustvom u NVO sektoru**

**B. Lokacija: Grad Sarajevo**

**C. Referenca na projekat: „Jačanje mreže novinarki u BiH“**

**D. Trajanje: 10 dana**

#### **E. O organizaciji i projektu**

Naručilac usluga Udruženje/udruga BH novinari je nevladina, neprofitna organizacija čiji su članovi novinari, slobodni novinari, studenti novinarstva i drugi medijski uposlenici čija je osnovna profesija novinarstvo. Osnovni ciljevi BHN su:

(a) zaštititi i poboljšati slobode, prava i odgovornosti novinara kao i zaštititi ugled i dostojanstvo novinarske profesije i

(b) poboljšati pravo javnosti da bude informirana o dešavanjima u društvu, kao i pravo svake osobe na slobodu mišljenja, izražavanja i pristup medijima.

Od septembra 2018. godine BH novinari implementiraju projekat „Jačanje mreže novinarki u BiH“ finansiranog kroz Program osnaživanja nezavisnih medija u BiH (IMEP) i uz podršku Free Press Unlimited iz Holandije. Cilj projekta je jačanje kapaciteta novinarki i urednica, radi efikasnije zaštite slobode izražavanja i drugih ženskih ljudskih prava u medijima, kao i unaprjeđenje znanja novinarki, studentica novinarstva i drugih medijskih profesionalaca o rodnim politikama, ravnopravnosti i jednakom pristupu uredničkim, menadžerskim i upravljačkim pozicijama i muškaraca i žena, zaposlenih u medijima. Također, jedan od ciljeva jeste i jačanje javne svijesti o potrebi efikasnije zaštite prava novinarki (podjednako u offline i online sferi) i njihovog bržeg profesionalnog napredovanja u demokratskom društvu.

Specifični ciljevi projekta su:

- Multidisciplinarna studija o položaju novinarki u medijima i njihovom odnosu/ prepoznavanju rodno zasnovanog nasilja;
- Dugoročna strategija djelovanja Mreže novinarki u BiH, sa fokusom na ravnopravan pristup mehanizmima zaštite prava na slobodu izražavanja i sigurnosti novinarki ,kao i jednakog pristupa uredničkim, menadžerskim i upravljačkim pozicijama u medijima;
- Educirane i osnažene novinarke za zaštitu prava na slobodu izražavanja i medijskih sloboda, te ukidanje svih oblika diskriminacije, mobinga i isključenosti iz raspodjele moći i uticaja unutar medijskih kuća ;
- Mreža novinarki u BiH kao snažan, javno etabliran međuentitetski i vaninstitucionalni mehanizam edukacije, saradnje i zagovaranja nezavisnog novinarstva, slobode medija i boljeg profesionalnog pozicioniranja novinarki u medijskim kućama, bez rodnih, političkih, nacionalnih, geografskih ili drugih ograničenja.

Sa tim u vezi, BH novinari traže eksperta/icu koji/a će izraditi strategiju djelovanja Mreže novinarki u BiH i koja će uključivati dugoročni plan djelovanja Mreže novinarki u BiH na dva polja: na zaštiti ljudskih prava, prije svega prava na slobodu izražavanja i slobodu kritike javnih zvaničnika (zbog čega su najčešće bile žrtve napada i prijetnji) te stvaranje povoljnog okruženja (u medijima i društvu) za povećanje broja žena na pozicijama urednica, direktorica i članica upravnih i nadzornih tijela u medijskim kućama.

## **F. Obim posla i odgovornost eksperta/ice**

- Priprema programa radionice sa članicama Mreže novinarki u BiH
- Obavljanje pojedinačnih intervjua sa članicama Mreže novinarki u BiH
- Održavanje dvodnevne radionice sa članicama Mreže novinarki u BiH
- Izrada Strategije dugoročnog djelovanja Mreže novinarki, koja treba da uključuje detaljno opisane i razrađene ciljeve, aktivnosti i očekivane rezultate, kao i Advocacy plan za vršenje pritiska na donosice odluka i prihvatanje inicijative i zahtijeva Mreže novinarki, te komunikacijski plan kako bi se osigurala veća vidljivost novinarki u bh. društvu.

## **G. Organizaciona razmatranja**

Ugovarač će raditi pod direktnom supervizijom Projekt menadžera. Ugovarač će se konsultovati sa Projekt menadžerom i projekt koordinatorom tokom cijelog perioda angažmana. BH novinari kao naručilac posla će za potrebe realizacije projekta i aktivnosti konsultantu staviti na raspolaganje sav neophodan materijal (kontakte novinarki, urednica i medijskih profesionalki, publikacije i dokumentaciju, kao i pravilnike i istraživanja sprovedena u okviru projekta).

## **H. Autorska prava**

Sadržaj podataka dobijenih tokom angažmana je podložan zaštiti i vlasništvo je BH novinara, te se ne smije, ni u cjelosti ni u fragmentima, koristiti na trećim stranama bez saglasnosti vlasnika. Upotreba podataka je moguća i opravdana samo u okviru aktivnosti projekta koji se realizuje.

## **I. Vrijednost ponude i plaćanje**

Vrijednost ponude ne smije prelaziti 2.076 KM (bruto). Plaćanje usluga će biti izvršeno po izvršenju svih ugovorenih zadataka (5 dana nakon što ekspert/ica isporuči Strategiju djelovanja Mreže novinarki u BiH), a nakon potvrde Projekt menadžera da su svi navedeni segmenti usluge uspješno isporučeni. Ovaj ToR biće sastavni dio Ugovora, a Ugovor će precizirati novčanu vrijednost angažmana.

## **J. Kvalifikacije aplikanta**

### Kvalifikacije konsultanta

#### J.1. Formalno obrazovanje

- ☑ Visoka stručna sprema (VI stepen) – u oblasti društvenih nauka

#### J.2. Radno iskustvo i vještine

- ☑ Autentično lično iskustvo - dokazivo najmanje petogodišnje iskustvo u kontinuitetu i reference u vezi sa djelovanjem u NVO sektoru, kao i u strateškom planiranju.
- ☑ Sposobnost rada u timu;
- ☑ Izvrsne komunikacione vještine.

## **K. Način i rok za dostavljanje ponuda**

Svi zainteresovani aplikanti za dostavljanje ponuda, moraju najkasnije do 10. jula 2019. dostaviti sljedeću dokumentaciju:

- Kopija diplome
- Biografiju (CV), koja će predstaviti i Listu referenci - pregled radnog iskustva ili pruženih konsultantskih usluga u vezi sa strateškim planiranjem u NVO sektoru
- Finansijska ponuda

### *NAPOMENA:*

Ponude se dostavljaju putem pošte ili lično na adresu: Udruženje/udruga BH novinari, Kralja Tvrtka 5, 71 000 Sarajevo